



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

67. Idem Philippus, Marchio Namurcensis, an. 1212. militaris seu equestris ordinis viros liberat à seruitute soluendi melius mobile seu cathellum, vt vocant, post obitum.

urn:nbn:de:hbz:466:1-10903

CAP V T L X V I I .

*Idem Philippus, Marchio Namurensis, an. 1212. militaris sete
equestris ordinis viros liberat à seruitute soluendi melius
mobile, seu cathellum, ut vocant, post obitum.*

Ego PHILIPPVS Marchio Namucensis notum facio vniuersis,
Et am præsentibus quām futuris, quod consuetudines quasdam
indecentes, quas contra honorem militarem iniuste usurpaueram,
iniquas esse discernens, decreui & statui, vt à nullo milite, qui sit de
familia vel aduocatione mea, melius mobile (quod quidem melius
cathelum dicitur) de cætero accipiatur post eius decepsum, nec id
ab eius herede pro illo mortuo exigatur.

Vt autem hoc habeatur ratum, præsente scripto & sigilli mei ap-
positione confirmaui. Actum apud Reaton, anno Dominicæ incar- 1212.
nationis millesimo ducentesimo duodecimo.

N O T A T I O .

PHILIPPVS, cognomento Nobilis, Marchio secundus Namur-
censis, Balduini Imp. Constantinopolitani frater, non anno mil-
lesimo ducentesimo decimo tertio (vt eius tumulo per errorem à
posterioris æui manu insculptum legitur) sed anno millesimo du-
centesimo duodecimo viuere desijt: vt Paulus Cronendalius in sua
ms. Comitum Namurensium Historia, ex fide tabularum publi-
carum, rectè probat.

In eiusdem tumuli apud Namurenses inscriptione (quam in
Stemmatibus Belgicis cap. 23. produxi) falso dicitur fratri sui Hen-
rici in Comitatu Namurensi successor. Successit enim immediate
patri suo Balduino Magnanimo, & obiit quadriennio ante fratrem
suum Henricum Imperatorem Constantinopolitanum, qui Comes
Namurensis non fuit. Philippo autem Nobili in principatu Na-
murensi soror successit IOLENDIS, Petro Comiti Antifiodorensi
nupta: cuius tabulas mox producam.

Z z 2

CAPVT